



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Vita Beatissimi Germani, Parisiensis Episcopi, ex ea quæ est per Fortunatum Pictauorum episcopum. Migravit ex hac luce anno Domini 579. Pontificatus Pelagij secundi, 2. Imperij verò Iustini Iunioris, ...

urn:nbn:de:hbz:466:1-42716

sculptum. Hac sunt in fossa Bedæ venerabilis
 In notat.
 In nota. hoc die.]
 de his, inquam, vide Baronium, qui ea ex
 scriptis Trithemij fabulosa esse dicit. Certè Tri-
 themius testatur, longè aliud epitaphium, sepul-
 chro eius inscriptum fuisse, quod refert lib. 3. ca.
 De viris illustribus Ord. S. Benedicti. est que
 huiusmodi.

Presbyter hic Bedæ requiescit carne sepultus;
 Epitaphium
 S. Bedæ.
 Dona Christe, animam in calis gaudere per ævum.
 Dona, Sophia illum debriari fonte, cui iam
 dissipavit ouans intento semper amore.

VITA BEATISSIMI GERMANI, PA-
 risiensis Episcopi, ex ea qua est per Fortunatum
 C. Bar. tom.
 7. Annal.
 Pictavorum episcopum. Migravit ex hac luce an-
 no Domini 579. Pontificatus Pelagij secundi, 2.
 Imperij verò Iustini Iunioris, 14. Initio regni
 Childeberti Francorum regis, numeraturq; de-
 cimus nonus eius sedis episcopus.

Beatus Germanus Parisiorum Pontifex, in
 28. Maij.
 territorio Augustodunensi, patre Eleuthe-
 rio, matre verò Eusebia, honestis honora-
 Patria & pa-
 rentes.
 tisque procreatus parentibus, ante quàm lucem
 aspiceret, haud dubia futuræ sanctitatis signa, in
 Matre gravi
 da eū vult,
 nec potest,
 extinguere.
 vero materno dedit. Cùm enim eius genitrix ab
 edito partu, brevi post tempore, hoc foetu se gra-
 midam sentiret, muliebri mota pudore, niteba-
 tur ante partū, infantem extinguere. Et accepta
 porione, vt abortivum projiceret, cùm venena
 ledere non valerent, incubans in ventrem, pon-
 dere sui corporis præfocare eum conabatur. Hac
 pugna inter mulierem & viscera durante ali-
 quamdiu,

quamdiu, renitebatur paruulus, certabatq; cum matre, ut eam à tanto crimine præseruaret. Itaq; expleto partus tempore, puer processit incolumis, matremq; simul innocentem reddidit.

Item auia.

Hoc autem matris certamine foeliciter deuictomox aliud ab auia in eum excitatū fuit. Ut enim, vetula auaritiæ peste turpiter infecta, incredibilem habendi sitim, illius hæreditate per fas perque nefas explere posset, nefaria secum consilia de adolescentis nece tractare cœpit. Nec mors, cæca cupidine inflammata, potionem in ampullam condit, vinumque in alteram ponit, præcipitque puellæ, ut redeunti à scholis Germano cū Stratidio propinquo illi vinum, huic verò maleficium propinet. Sed ministra per ignorantiam vinū Sancto Germano, venenum verò dat Stratidiod; & dum infanti præparatur interitus, auctor cadit in laqueum.

**Fit Diacon⁹
inde presbyter.**

Hoc igitur modo secundò iam dæmonis fraude elusa, paulò deinde securiùs, in pietatis studio versari ei concessum est. Prorsus ut ætatis suæ quintodecimo anno, dignus habitus sit, qui à beato Agrippino Diaconus institueretur: & sequenti deindè triênio presbyter consecraretur. Hac sacri muneris functione decoratus, tam egregiū virtutum de se effudit splendorem, ut paulò post

Item Abbas.

à venerabili Pontifice Nectario, ad Abbatis officium, in S. Symphoriani monasterio assumeretur. Ibi verò præter alias virtutes, studiosè admodū benignè faciendi disciplinam exercuit; adeo ut nec panem quidem fratrum sustentationi necessarium reseruaret, sed eum cum reliquis rebus pauperibus distribueret. Quæ res, cum fratrum animos in eum concitaret, ille in cellulam se abdens, lachrymis ibidem dolorem suum lenire cu-

Eius Eleemosynæ.

recupiebat; & ecce dum murmur fratrum quietem eius perturbat, & ille precibus ad Dominum confugit, Anna quædam matrona nobilis, plena anni annonæ carpenti mittit vehicula, ita ut motachi viso miraculo terrentur. Episcopus autem bonis eius operibus inflamatus, in custodiam eum detrufit: cui diuino nutu, ergastulum apertum fuit, sed is pedem efferrî noluit, nisi supplici episcopalis daretur benedictio.

Dehinc crebris adeo miraculis inlarescere cepit, ut demonia passim eum prædicarent, & ipsa naturæ iura, legesque à Deo præfixæ, illius virtuti subijcerentur. Fugabat morbos, languores pellebat, & in vltimum vitæ discrimen adductos, precibus suis sanitati restituebat. Nec mirum sanè, utpotè qui angelica quadam mentis puritate vigeat, & intimo amoris vinculo, totus per contemplationem Deo coniunctus erat. Hinc ante annos ferè quatuor, quàm episcopi dignitatem capesceret, diuino in somnis oraculo admonitus, ad Parisiorum se curam vocari intellexit. Inde precibus, vigilijsque & præcipue benignè faciendi studio, viam ad eum gradum inuenit quotidie. Postquam verò ad illud honoris fastigium euectus fuit, virtutes quas antè multò mète parturierat, aperto sinu plenè effundere cepit. Quicquid vel res ecclesiæ, vel populi oblatio, vel regis deniq; munificètia illi cõferebat, id totum larga manu pauperibus erogabat, tantaq; vigilantia omnium inopiæ cõsulebat, ut cuncti à graui paupertatis onere, antistitis sui beneficio subleuatos se gauderent. Nec minus inter animarum salutem cõsulebat, quippe, ut eas ex cœno peccatorum extraheret, corpora quouis

Crebra eius
miracula.

Cognoscit
diuinitus, se
episcopum
futurum.

Eximia eius
benignitas
in pauperes.

322 CERTAMEN SS. MAR. SISINNII &c.
 uis morbi genere vexata, vel precibus vel crucis
 signo curabat. Tantam quoque in dæmones po-
 testatem obtinebat, ut venientem passim formi-
 darent, atque ex ipsis corporibus quæ obfidebāt,
 deprecarentur, ut eiectos saltem liceret per syl-
 varum solitudinem miserōs errare. Fuit præter-
 eā tanta miraculorum gloria clarus, ut summi
 infimique, tanquam salutis omnium præsidem,
 & à supernis demissum sedibus intuerentur. Nos
 si singula quæ cum admiranda sanctitatis opini-
 one gessit miracula prosequi vellemus, vix iusto
 volumine cuncta comprehendere possemus. Ita-
 que plenus dierum, & bonorum operum, cum
 iam cælitus de suo ad alteram vitam transitu e-
 doctus fuisset, octogenarius læto hilarique ani-
 mo, è vita decessit, victor que ad cælos euoluit.

Motitur fe-
 licissimè.

CERTAMEN SS. MARTYRVM, SI-
 sinnij, Martyrij, & Alexandri, ex eo quod est per
 S. Vigilium, Episcopum Tridentinum & Marty-
 rem. Passi sunt, anno Domini 400. quo Romanâ
 Ecclesiæ præerat Anastasius. Mediolanensi autem
 Simplicianus. Honorij Imperatoris anno 6.

C. Bar. tom.
 3. Annal.

19. Maij.

Quo tempore Tridentinæ Ecclesiæ sanctus
 ac venerabilis præsidebat Vigilus, qui
 postmodum ipsam sedem, sui sanguinis
 effusione decoravit, ut quandam regionem Ana-
 gniam nomine, quæ viginti quinque millibus ab
 vrbe Tridentina distat, vetusta gentilis erroris
 caligine occæcatâ Christianæ fidei lumine illu-
 straret, tres ad eam viros, pietate & prudētia in-
 signes, destinavit. Ex quibus Sifinnius civis Cap-
 padocię genere Græcus, ipsa senecta venerabilis,
 & diaconatus munere insignitus, ut minister alta-
 ris mini-

Sifinnius
 Ethnicis
 Christum
 prædicat.